

**CILJEVI I KRITERIJI ZA DODJELU GRANTOVA U OKVIRU  
PROGRAMA/FONDA ZA RAZVOJ FILANTROPIJE  
TEMA POZIVA: JAČANJE TRANSPARENTNOSTI I ODGOVORNOSTI**

## **I UVOD**

Fondacija tuzlanske zajednice (FTZ) se, u okviru Programa za razvoj filantropije, zalaže za transparentno i odgovorno poslovanje od strane organizacija civilnog društva (OCD) u Bosni i Hercegovini (BiH), s ciljem jačanja povjerenja javnosti u rad civilnog sektora i filantropiju.

U okviru ovog poziva FTZ, u saradnji sa partnerima, promoviše principe, vrijednosti i prakse etičnog, odgovornog i transparentnog poslovanja u civilnom sektoru. Iste su definisane u [Etičkom kodeksu za OCD u BiH](#) i [Globalnim standardima za odgovorno poslovanje OCD-a](#), ali i [Standardima transparentnosti i odgovornosti za OCD u BiH](#) u okviru USAID programa Snaga lokalnog.

Unapređivanjem praksi transparentnog i odgovornog poslovanja, želimo jačati povjerenje i podići reputaciju civilnog sektora u BiH. Time će civilni sektor jačati veze sa građanima i predstavnicima drugih sektora, što će dugoročno doprinijeti stvaranju povoljnog okruženja za rad i razvoj civilnog sektora i filantropije u BiH.

Shodno tome, FTZ je objavila **Javni poziv za OCD u BiH** za sufinansiranje projekata kojima će unaprijediti svoj rad kroz primjenu principa etičnosti, transparentnosti i odgovornost. Javni poziv se realizaciju u okviru FTZ projekta „Naša zajednica je naša odgovornost“, finansiranog od strane USAID Snaga lokalnog u BiH.

Ukupna finansijska podrška koju je FTZ osigurala za period 2024/2025 iznosi 50.000,00 KM. Fondacija zadržava pravo da ne potroši sva sredstva u ovom javnom pozivu, ukoliko projektni prijedlozi ne budu zadovoljili postavljene kriterije. U tom slučaju će biti objavljen novi javni poziv sa ostatnim sredstvima za podršku, kao i novim rokovima za realizaciju projekata.

## **II CILJEVI POZIVA**

- Podržati OCD u BiH da unaprijede prakse poslovanja u oblasti etičnog, transparentnog i odgovornog poslovanja,
- Podržati OCD u BiH da informacije o svom radu učine dostupnim građanima, drugim sektorima i cjelokupnoj javnosti
- Promovirati OCD u BiH, kao primjere dobre prakse u oblasti transparentnog i odgovornog poslovanja u civilnom sektoru.

## **III PODRUČJE REALIZACIJE POZIVA**

Javni poziv na temu jačanja transparentnosti i odgovornosti u civilnom sektoru, FTZ provodi na području cijele BiH.

## **IV PRAVO PRIJAVE**

Na javni poziv se mogu prijaviti:

- Formalno registrovane OCD (udruženja i fondacije) iz cijele BiH na bilo kojem nivou vlasti
- OCD koje žele da unaprijede interne prakse etičnog, odgovornog i transparentnog poslovanja
- OCD koji mogu realizovati projekat i unaprijediti prakse transparentnog i odgovornog poslovanja u periodu od maksimalno 12 mjeseci.

## V ROK ZA PRIJAVU

Poziv za prijem aplikacija otvoren je **od 25. aprila do 31. maja 2024. godine.**

## VI NAČIN REALIZACIJE SREDSTAVA

U skladu s Kriterijima poziva, FTZ će dodjeliti podršku za 10 OCD iz BiH u maksimalnom iznosu **do 5.000 KM (iznos bez PDV-a)** po jednom grantu.

Ugovor o dodjeli sredstava će FTZ potpisati sa odabranim OCD-a najkasnije **do 30.07.2024.**

Svi odobreni projekti moraju biti realizovani najkasnije do **30.06.2025.**, bez mogućnosti produženja za utrošak sredstava ili završetak projektnih aktivnosti.

**Napomena:** Sredstva iz ovog Javnog poziva ne uključuju troškove poreza na dodanu vrijednost, PDV. Sva pravna lica koja dobiju ova sredstva mogu ostvariti pravo na povrat PDV-a preko Uprave za indirektno oporezivanje. Shodno prethodno navedenom, aplikanti su obavezni prilikom popunjavanja troškova budžeta da unose isključivo cijene i vrijednosti robe bez PDV-a u koloni "Potraživanja od FTZ", dok u kolonama koje se odnose na vlastito učešće unose iznose sa PDV-om.

### 6.1. ŠTA MOŽEMO PODRŽATI?

Projekti koji budu podržani kroz ovaj poziv trebaju da unaprijede transparentnost rada OCD-a, te omoguće brz i efikasan uvid u njihovo poslovanje i tako omoguće dugoročan efekat na održivost rada OCD-a; unaprijede njihovu saradnju sa korisnicima, partnerima, donatorima i kreiraju veće povjerenje javnosti uopšte. U okviru projekata prihvatljive su sljedeće aktivnosti:

- Aktivnosti usmjerene na efikasno predstavljanje transparentnog rada organizacije putem web stranice i/ili drugih online medija;
- Aktivnosti usmjerene na kreiranje i izradu politika, procedura u oblastima transparentnog i odgovornog i etičnog poslovanja;
- Aktivnosti usmjerene na efikasno izvještavanje i informisanje javnosti o rezultatima rada putem godišnjih izvještaja, informativnih biltena, video materijala, medijskih nastupa i drugih načina informisanja;
- Aktivnosti usmjerene na unaprijeđenje internih kapaciteta i povećanja znanja osoblja i volontera u oblastima etičnosti, transparentnosti i odgovornog poslovanja;
- Aktivnosti usmjerene na internu i eksternu kontrolu finansijskog poslovanja (revizija).

Nevedene aktivnosti predstavljaju moguće primjere aktivnosti koje se mogu predložiti u projektima, ali nisu limitirane na iste, nego se mogu proširiti u skladu sa ciljevima poziva i potrebama aplikanta.

### 6.2. ŠTA NE MOŽEMO PODRŽATI?

- Otplate dugova, kredita i re-granting,

- Projekti koji su već završeni,
- Aktivnosti u korist promocije političkih i vjerskih institucija, ideologija i praksi,
- Projekti u korist pojedinaca (studijska i profesionalna usavršavanja, stipendije, liječenje, rješavanje stambenog pitanja, razvoj biznisa, humanitarne akcije, itd).
- Projekti i aktivnosti usmjerene na redovne operativne troškove za rad udruženja, osim ako isti nisu direktno vezani za realizaciju projekta.
- Infrastrukturne investicije i/ili renoviranja (putevi, zgrade ili drugi objekti, mostovi, postrojenja za pročišćavanje vode i vertikalne strukture kao što su saobraćajna signalizacija, ulična rasvjeta i sl., iskopavanje, korištenja bagera i sličnih mašina);
- Poboljšanje ili strukturnu promjenu postojeće nekretnine kako bi se omogućila njena dalja ili učinkovitija upotreba unutar predviđene svrhe ili uređenje za promjenu namjene, kao ni kozmetičke radove koji uključuju bojenje, krečenje, zamjenu podova, zidnih obloga, postavljanje polica, nabavku namještaja, opreme itd).
- Aktivnosti koje promovišu nasilje, mržnju ili bilo koji vid diskriminacije.

## **VII NAČIN PRIJAVE**

Zainteresovane OCD mogu aplicirati samo sa jednim prijedlogom projekta, isključivo putem prijavnog obrasca. Aplicirati možete tako što ćete popuniti obrazac za prijavu i poslati ga na e-mail:

[standardi-to@fondacijatz.org](mailto:standardi-to@fondacijatz.org)

Nakon uvida u projektnu aplikaciju od strane grant tima, aplikant će putem e-maila dobiti potvrdu prijema aplikacije, koju ste dužni u roku od 7 dana od momenta potvrde dostaviti, potpisanu i ovjerenu u dva štampana primjerka, na adresu Fondacije: Pozorišna 13, 75000 Tuzla, lično ili poštom. Prije popunjavanja prijave, aplikantima se preporučuje da konsultuju grant tim Fondacije.

FTZ neće uzeti u razmatranje nepotpune aplikacije, kao ni one koje pristignu nakon navedenog roka ili ne budu dostavljene na prethodno navedeni način.

### **7.1. POTREBNA DOKUMENTACIJA ZA PRIJAVU**

Uz on-line aplikaciju, koju svaki aplikant dostavlja obavezno poštom, potrebno je obavezno poslati sljedeće dokumente:

- Rješenje o registraciji (kopija prvog i posljednjeg rješenja), samo za aplikante koji prvi puta apliciraju prema FTZ (kopija),
- Statut organizacije, samo za aplikante koji prvi puta apliciraju FTZ (kopija),
- Finansijski izvještaj za prethodnu godinu/Bilans stanja i Bilans uspjeha (kopija),
- Dokaz o otvorenom žiro računu u banci (kopija) i
- Izjavu/e o partnerstvu, ako se radi o partnerskim projektima.

## **VIII KRITERIJI ZA OCJENU PROJEKATA**

Komisija za vrednovanje prijedloga projekata (u daljem tekstu Komisija) će biti imenovana od strane direktorice, iz reda FTZ-a, na osnovu uloge u USAID Localworks programu i poznavanju teme poziva.

Komisija je dužna da najprije izvrši administrativnu provjeru zahtjeva u skladu sa gore navedenim načinom apliciranja i obaveznim dokumentima za dostavljanje u ured FTZ-a.

Ukoliko je prijedlog projekta zadovoljio administrativne zahtjeve, Komisija će provjeriti da li je isti usklađen sa opštim kriterijima. Ukoliko nije, projekat neće biti uzet u dalje razmatranje.

Ukoliko Komisija utvrdi da su zadovoljeni opšti kriteriji, nastaviće sa vrednovanjem projekta prema dole navedenim kriterijima. Ukoliko prijedlog projekta nije zadovoljio opšte kriterije, isti neće biti uzet u dalje razmatranje.

### 8.1. OPŠTI KRITERIJI

- Aplikant može aplicirati samo sa jednim projektom.
- Prijedlozi projekata treba da budu relevantni u odnosu na temu javnog poziva
- Potraživana sredstva treba da pokriju troškove vezane za realizaciju aktivnosti koje će pomoći OCD-a iz BiH da poboljša interne kapacitete i performanse za uspostavljanje i poštovanje principa etičnog, transparentnog i odgovornog rada
- Projekti trebaju da imaju dugoročan efekat na održivost OCD i da rezultate projekta mogu koristiti nakon završetka istog
- Predloženi projekat se mora realizovati u periodu od 30.6.2024. do 30.06.2025.
- Trajanje predloženog projekat može biti maksimalno 12mjeseci
- Aplikant je obavezan sufinansirati projekat u iznosu od najmanje 33% od ukupne vrijednosti projekta. Ukoliko se projekat dijelom sufinansira kroz volonterski rad ili kroz donacije u robi, opremi ili materijalu, to mora biti jasno izraženo u novčanim jedinicama u aplikaciji.

### 8.2. SPECIFIČNI KRITERIJI ZA VREDNOVANJE

Komisija vrši rangiranje projektnih prijedloga na osnovu izvršenog bodovanja prema dole navedenim kriterijima. Prvoplasirani projektni prijedlog je onaj koji ima najveći zbir bodova, a slijedi projekat s prvim sljedećim nižim zbirom bodova i tako do najnižeg zbira osvojenih bodova.

Samo projekti koji su dobili ukupno preko 60 bodova mogu biti uzeti u razmatranje za finansijsku podršku, jer projektni prijedlozi ispod ovog praga nisu u stanju zadovoljiti postavljene standarde poziva, te bi efikasnost njihove provedbe bila upitna. Podrška će biti dodijeljena najbolje rangiranim projektima, zavisno od raspoloživih sredstava.

Kriterij	Maximalan Broj bodova
<b>KRITERIJ 1 – Relevantnost predloženih aktivnosti, metoda i alata u odnosu na temu poziva</b>	<b>20</b>
1.1. Da li je prijedlog projekta u korelaciji sa temama koje su navedene u ovom pozivu?	5
1.2. Koliko su predloženi pristupi, metode i alati odgovarajući za ove teme?	5
1.3. Da li je tema relevantna za identifikovani problem i potrebu ciljne grupe/aplikanta?	5
1.4. Da li je tema inkorporirana u strateški razvoj aplikanta?	5
<b>KRITERIJ 2 – Jasno definisana potreba ciljne grupe za predloženim projektom</b>	<b>15</b>
2.1. Da li predloženi projekat odgovara na prioritete ciljne grupe/aplikanta?	5
2.2. Da li je aplikant jasno obrazložio problem, odnosno potreba ciljne grupe/aplikanta sa izvorima podataka?	5
2.3. Koliko će projekat koristiti ciljnoj grupi/aplikanti i da li korist od projekta imati veća ili manja ciljna grupa?	5
<b>KRITERIJI 3 – Kapacitet aplikanta da uspješno realizuje projektne aktivnosti</b>	<b>15</b>

3.1. Koliko je jasno predstavljen predloženi projektni tim i sposobnosti istog da iznese predložene aktivnosti i budžet projekta?	5
3.2. Koliko će u projekat biti uključeni zaposlenici i volonteri sa svojim iskustvima i znanjima?	5
3.3. Kakva je saradnja sa drugim sektorima, medijima i drugim organizacijama?	5
<b>KRITERIJ 4 – Usklađenost planiranih aktivnosti sa traženim sredstvima</b>	<b>20</b>
4.1. Da li je budžet realističan i u skladu sa predloženim aktivnostima?	5
4.2. Da li je učešće aplikanta jasno definisano, kao i drugi izvori finansiranja?	5
4.2. Da li su jedinične cijene u skladu sa aktuelnim cijenama na tržištu?	5
4.3. Može li se sa traženim sredstvima u potpunosti riješiti problem ili se rješava samo dio problema?	5
<b>KRITERIJ 5 – Značaj projekta za jačanje kapaciteta i dugoročnu održivost rada aplikanta</b>	<b>30</b>
4.1. Da li će aplikant ojačati kapacitete i dugoročno koristiti rezultate projekta za transparentan i odgovoran rad?	5
4.2. Da li će projektne aktivnosti unaprijediti vidljivost aplikanta u zajednici?	5
4.3. Da li će projekat doprinijeti jačanju ugleda i uticaja aplikanta u zajednici?	5
4.4. Da li će aplikant ojačati partnerstva sa drugim sektorima?	5
4.5. Da li će projekat uticati na jačanje civilnog sektora u cjelini?	5
4.6. Da li se projekat može prikazati kao pozitivna priča za sistemsku promjenu?	5
<b>MAKSIMALNI UKUPNI ZBIR</b>	<b>100</b>

Svi aplikanti će biti pismeno obaviješteni o odlukama Komisije, bez obzira da li im je odobrena podrška ili ne. Po finalnom odabiru aplikacija i objavljivanju rezultata na web stranici Fondacije bit će otvoren rok za prigovore u trajanju od 7 radnih dana. Pravo na prigovor imaju aplikanti koji iz određenih razloga nisu zadovoljni odlukom.

#### **X POTPISIVANJE UGOVORA SA ODABRANIM APLIKANTIMA**

Aplikanti čiji projekti budu odabrani za podršku će potpisati Ugovor o dodjeli granta sa FTZ u kojem će biti definisani uslovi za transparentno i odgovorno trošenje doniranih sredstava. Ugovor o dodjeli sredstava FTZ će potpisati sa odabranim OCD-a najkasnije **do 30.07.2024** Svi projekti moraju biti realizovani **do 30.06.2025.**, bez mogućnosti produženja za utrošak sredstava ili završetak projektnih aktivnosti.


  
 Jasna Jašarević  
 direktorica